



## NAMANGAN VILOYATI MINGBULOQ TUMANI HOKIMINING QARORI

2024-yil 13-dekabr

712-6-81-Q/24

Mingbuloq tumani hokimligi

**O‘zbekiston Respublikasi Prezidentining “Bolalar masalalari bo‘yicha komissiyalar faoliyatining samaradorligini oshirish chora-tadbirlari to‘g‘risida” 2024-yil 2-dekabrda PF–201-sonli Farmoni, shu haqdagi viloyat hokimining 2024-yil 7-dekabrda 591-6-0-Q/24-sonli qarori ijrosi haqida**

O‘zbekiston Respublikasi Prezidentining “Bolalar masalalari bo‘yicha komissiyalar faoliyatining samaradorligini oshirish chora-tadbirlari to‘g‘risida” 2024-yil 2-dekabrda PF–201-sonli Farmonini, shu haqdagi viloyat hokimining 2024-yil 7-dekabrda 591-6-0-Q/24-sonli qarorini tumanda ijrosi ta‘minlash maqsadida, “Mahalliy davlat hokimiyati to‘g‘risida”gi O‘zbekiston Respublikasi Qonunining 6 va 211-moddalariga asosan,

### Q A R O R   Q I L A M A N :

1. O‘zbekiston Respublikasi Prezidentining “Bolalar masalalari bo‘yicha komissiyalar faoliyatining samaradorligini oshirish chora-tadbirlari to‘g‘risida” 2024-yil 2-dekabrda PF–201-sonli Farmoni, shu haqdagi viloyat hokimining 2024-yil 7-dekabrda 591-6-0-Q/24-sonli qarori rahbarlik va ijrosini ta‘minlash uchun qabul qilinsin.

2. O‘zbekiston Respublikasi Prezidentining mazkur Farmoni bilan:

quyidagilar:

Bolalar masalalari bo‘yicha milliy komissiyaning yangilanga tarkibi 1-ilovaga muvofiq;

Bolalar masalalari bo‘yicha Qoraqalpog‘iston Respublikasi, viloyatlar, Toshkent shahri va tuman (shahar) komissiyalarining namunaviy tarkiblari 2- va 3-ilovalarga muvofiq tasdiqlanganligi;

Bolalar masalalari bo‘yicha milliy komissiya va Bolalar masalalari bo‘yicha Qoraqalpog‘iston Respublikasi, viloyatlar, Toshkent shahri va tuman (shahar) komissiyalarining (keyingi o‘rinlarda - bolalar masalalari bo‘yicha komissiyalar) asosiy vazifalari etib quyidagilar belgilanganligi:

bolalarning huquqlari, erkinliklari va qonuniy manfaatlarini amalda ro‘yobga chiqarish, ularning jismoniy, intellektual, ma‘naviy hamda axloqiy jihatdan kamol topishiga, qobiliyati va iste‘dodini to‘liq namoyon etishiga ko‘maklashish bo‘yicha chora-tadbirlarni muvofiqlashtirishi;

bolalarning huquqlari, erkinliklari va qonuniy manfaatlarini himoya qilish borasida bajarilayotgan ishlarni tizimli tahlil qilish, baholash va samaradorligini oshirish bo'yicha chora-tadbirlarni amalga oshirishi;

ijtimoiy yetimlikning oldini olish va bolalarning ustuvor ravishda oila muhitida o'sib-ulg'ayishini ta'minlash maqsadida bolalarni oilaga tarbiyaga berish bo'yicha ko'rilayotgan chora-tadbirlar va tarbiyaga berish tizimining samaradorligini tahlil qilish hamda ushbu tizimni takomillashtirish bo'yicha takliflar kiritib borishi;

sifatli ta'lim-tarbiya jarayonini tashkil etish, bolalarga chuqur bilim berish, ularning bilim, malaka va ko'nikmalarini shakllantirish bo'yicha davlat organlari tomonidan amalga oshirilayotgan ishlarni muntazam tahlil qilib borish hamda ta'lim olishiga to'sqinlik qilayotgan omillarni bartaraf etish yuzasidan ta'sirchan choralarni belgilashi;

"Xavfsiz maktab" tizimi keng joriy etilishiga qaratilgan va maktablarda axloqiy- psixologik muhitni yaxshilash bo'yicha dasturlar amalga oshirilishi holatini tahlil qilib borishi;

bolalarning bo'sh vaqtini mazmunli tashkil etish, ularni sport bilan muntazam shug'ullanishga jalb etish, ayniqsa, qishloq va chekka hududlarda bolalar sportini yanada rivojlantirish bo'yicha amalga oshirilayotgan ishlar natijasini muhokama qilib borishi;

alohida ta'lim ehtiyojlari bo'lgan bolalarni inklyuziv ta'limga jalb qilish, tibbiy- ijtimoiy reabilitatsiya qilish va jamiyatga integratsiyasini ta'minlash bo'yicha ko'rilayotgan choralar samaradorligini baholashi;

bolalarni vatanparvarlikka undaydigan ta'lim-tarbiya samaradorligini, vatanparvarlik va Vatanga sadoqat hissini yuksaltirish bo'yicha ko'rilayotgan choralar ta'sirchanligini oshirishi;

bolalar salomatligini asrash, ularga sifatli tibbiy yordam ko'rsatish, ular orasida sog'lom turmush tarzini va to'g'ri ovqatlanishni yo'lga qo'yish, ta'lim tashkilotlarida bolalarning oziq-ovqat ta'minoti, ularning sifati va sanitariya holatini o'rganib borish va yaxshilash bo'yicha zarur choralarni ko'rishi;

bolalarda huquqbuzarliklarga qarshi immunitetni shakllantirish, ular orasida huquqbuzarlik, nazoratsizlik va g'ayriijtimoiy xatti- harakatlarning, shuningdek, bolalar ekspluatatsiyasi, ularga nisbatan zo'rvonlikning oldini olish va ularning reabilitatsiyasini ta'minlash bo'yicha amalga oshirilayotgan ishlar holatini tahlil qilish va ular samaradorligini oshirish choralarni ko'rishi;

bolalar o'rtasida spirtli ichimliklar, giyohvandlik vositalari va psixotrop moddalarni iste'mol qilish yoki boshqa salbiy illatlarni erta bosqichlarda aniqlash, davolash va tibbiy-ijtimoiy reabilitatsiya qilish bo'yicha amalga oshirilayotgan ishlarni tahlil qilish va ularning yechimi bo'yicha takliflar tayyorlashi;

ijtimoiy himoyaga muhtoj bolalarni qo'llab-quvvatlash, ularni ijtimoiy-huquqiy himoya qilish borasida amalga oshirilayotgan chora- tadbirlar samaradorligini baholab borish va ularni yanada takomillashtirish bo'yicha takliflarni ko'rib chiqishi;

bolalar bilan ishlash tizimidagi kamchiliklar, ularning sabab va shart- sharoitlarini aniqlash, tahlil qilish hamda bartaraf etish bo'yicha takliflar ishlab chiqishi;

davlat organlari va tashkilotlarining, bolalar masalalari bo'yicha hududiy komissiyalarning bolalarning huquqlari, erkinliklari va qonuniy manfaatlarini himoya qilish sohasidagi faoliyatini muvofiqlashtirishi;

belgilanishicha;

Ijtimoiy himoya milliy agentligi, uning Qoraqalpog'iston Respublikasi, viloyatlar va Toshkent shahri boshqarmalari hamda tuman (shahar) "Inson" ijtimoiy xizmatlar markazlari tegishli Bolalar masalalari bo'yicha milliy komissiya va hududiy komissiyalarning ishchi organi vazifasini bajaradi. Bunda Milliy gvardiyaga komissiyalar ishchi organlariga komissiyalar yig'ilishlarini o'tkazish, komissiyalar faoliyati uchun zarur axborotlarni to'plash va tahlil qilishda ko'maklashish vazifasi yuklatilganligi;

bolalar masalalari bo'yicha komissiyalar o'z vakolatiga kiradigan masalalar yuzasidan har chorakda kamida bir marta yig'ilish o'tkazishi;

bolalar masalalari bo'yicha komissiyalarning bola huquqlari, erkinliklari va qonuniy manfaatlarini ta'minlashga qaratilgan takliflari davlat organlari va tashkilotlari tomonidan majburiy tartibda ko'rib chiqilishi;

bolalar masalalari bo'yicha komissiyalar o'z yig'ilishlarida davlat organlari va tashkilotlari rahbarlarining komissiya faoliyatiga doir masalalar bo'yicha axborotlarini eshitib boradi, shuningdek, vakolatlari doirasiga kiruvchi masalalar yuzasidan davlat organlari, shu jumladan, huquqni muhofaza qiluvchi organlarni jalb qilishi;

Inson huquqlari bo'yicha O'zbekiston Respublika Milliy markazi tomonidan Bola huquqlari to'g'risidagi konvensiya talablari bo'yicha BMTga taqdim etish uchun tayyorlangan hisobot hamda BMT ustav va shartnomaviy organlarining ushbu hisobotni ko'rib chiqish yakunlari bo'yicha berilgan taklif va tavsiyalari Bolalar masalalari bo'yicha milliy komissiya majlislarida dastlabki tarzda ko'rib chiqiladi va yakuni bo'yicha tegishli tavsiyalar berilishi;

bolalar masalalari bo'yicha komissiyalarning ishchi organlari o'rtasidagi vazifalar taqsimoti tegishli komissiya raisi tomonidan belgilanishi;

Oliy Majlisning Bola huquqlari bo'yicha vakili (Bolalar ombudsmani) kotibiyatiga Oliy ta'lim, fan va innovatsiyalar vazirligi shtat birliklari hisobidan qo'shimcha 2 ta shtat birligi ajratilganligi;

Ijtimoiy himoya milliy agentligi va Oliy Majlisning Bola huquqlari bo'yicha vakili (Bolalar ombudsmani)ning ta'lim tashkilotlarida bolalarga nisbatan zo'rvonlik holatlariga yo'l qo'ygan pedagog va tarbiyachilarning kelgusida bolalar bilan ishlash bo'yicha mehnat faoliyatini davom ettirishi uchun muayyan cheklovlarni, qo'shimcha talablarni nazarda tutish to'g'risidagi taklifi ma'qullanganligi;

O'zbekiston Respublikasi Prezidentining 2021-yil 9-avgustdagi "Bola huquqlarining kafolatlarini ta'minlash tizimini yanada takomillashtirish chora- tadbirlari to'g'risida"gi PF-6275-son Farmoniga 4- ilovaga muvofiq o'zgartirishlar kiritilganligi ma'lumot uchun qabul qilinsin.

3. Bolalar masalalari bo'yicha Mingbuloq tuman komissiyasi yangilangan tarkibi 1-ilovaga muvofiq tasdiqlansin.

4. Tuman "Inson" ijtimoiy xizmatlari markazi (E.Abduraxmonov) manfaatdor tashkilot va idoralar bilan birgalikda O'zbekiston Respublikasi Prezidentining 2024-yil 2-dekabrda PF-201-son Farmoni talablari asosida ish tashkil etsin.

5. Mazkur qarorning bajarilishini nazorat qilish tuman hokimining yoshlar siyosati, ijtimoiy rivojlantirish va ma'naviy-ma'rifiy ishlar bo'yicha o'rinbosari J.Raximov zimmasiga yuklansin.

**Tuman hokimi**



**A.Mansurov**

Mingbuloq tuman hokimining  
2024-yil 13-dekabrda  
712-6-81-Q/24-son qaroriga  
1-ilova

**Bolalar masalalari bo'yicha Mingbuloq tuman komissiyasi yangilangan  
TARKIBI**

1.	A. Mansurov	-	Mingbuloq tuman hokimi, Komissiya raisi
2.	E. Abduraxmanov	-	“Inson” ijtimoiy xizmatlar markazlari direktori, komissiya raisi o'rinbosari
3.	B. Abdullayev	-	Tuman Qo'riqlash bo'linmasi rahbari komissiya raisi o'rinbosari
4.	D. Yandashov	-	Tuman Ichki ishlar bo'limi boshlig'i o'rinbosari-jamoat xavfsizligi xizmati rahbari, komissiya raisi o'rinbosari
5.	O. Xujayev	-	Tuman Maktabgacha va maktab ta'limi bo'limi boshlig'i
6.	O. Qo'ldoshev	-	Tuman Tibbiyot birlashmalar boshlig'i
7.	Y. Mamitaliyeva	-	Tuman hokimining o'rinbosari, oila va xotin-qizlar bo'limi boshlig'i
8.	O. Qodirov	-	O'zbekiston mahallalari uyushmasining tuman bo'limi boshlig'i
9.	R. Xoliqova	-	Tuman madaniyat bo'limi boshlig'i
10.	M. Abduqodirov	-	Tuman Bolalar va o'smirlar sport maktabi direktori
11.	M. Mamasoliyev	-	Yoshlar ishlari tuman bo'limi boshlig'i
12.	Z. Jo'rayev	-	Tuman Iqtisodiyot va moliya bo'limi boshlig'i
13.	Z. Ahmadjonov	-	Tuman Kambag'allikni qisqartirish va bandlikka ko'maklashish bo'limlari boshlig'i
14.	A. Mirzayev	-	Tuman bosh imom-xatibi
15.	R. Bobojonov	-	Tuman prokurorining o'rinbosari
16.	R. Salimgariyev	-	Tuman mudofaa ishlari bo'limi boshlig'i
17.	D. Jo'raboyeva	-	Respublika Ma'naviyat va Ma'rifat markazi tuman bo'limi rahbari
18.	D. Umarov	-	Tuman hokimligining yoshlar siyosati, ijtimoiy rivojlantirish va ma'naviy-ma'rifiy ishlar bo'yicha kotibiyati mudiri, komissiya kotibi

*Izoh: ushbu komissiya a'zolari boshqa ishga o'tgan taqdirda, uning tarkibiga mazkur lavozimlarga yangi tayinlangan yoki zimmasiga tegishli funksiyalarni bajarish yuklangan shaxslar kiritiladi.*